

նէր և վայելում էր նորա գովեստները: Դորա արժանաւորութիւնը, իւր արդարասիրութիւնը, տկարներին պաշտպանելը, բռնաւորներին պատ-
ժելն էր: Այդ կողմերում, եթէ մի առաջնա-
կարգ մարդ բարիք էլ չ'անի, չարիք էլ չ'անի,
դարձեալ մեծ գովեստների կ'արժանանայ: Բայց
Հիւսէին աղէն դրանց դասակարգիցը չէր: Թա-
ղէի վանքի վանահայրը նոյնպէս գովում էր դո-
րան. «Հիւսէին աղէն, ասում էր վարդապետը,
— եթէ չը լինէր՝ մենք մեծ հարուածների պիտի
ենթարկուէինք: Անցեալ Շէյխ Իբահուլլահի
արշաւանքին գիւղ չը մնաց այս կողմերը, որ չը
թալանուէր, ամենի հոտերը և նախիրները քը-
շեցին տարան: 2ը նայեաժ որ մեր վանքը Մա-
գուայ խանութեան մէջն է ընկնում: Բայց նո-
րա խաները խլել են վանքի երկու գիւղերը,
հողերը, ջուրը և փանքի խցերը ամբար են շի-
նել իրանց համար.*) Բայց Հիւսէին աղի շնոր-
հիւր մենք բոլորովին անվնաս մնացինք և մի
մաղ անգամ չը կորցրինք:

Նոյեմբերի 7-ին առաւօտ, գեղածիծաղ արեւով

*) Վարդապետը պատմում էր նաեւ, որ ինքը քաղաքիցս դիմել է Էջմիածնա Ս. Սինօդին եւ եղելութիւնը նորան յայտնելով, խնդրել է նորա պաշտպանութիւնը, վանքի սեպհական կալուածները վերադարձուցանելու համար, բայց մինչեւ այժմ Սինօդը ոչինչ տնօրինութիւն չէ արել: